

Broj: 01-44-561-3/14
Sarajevo, 29.05.2014. godine

Na osnovu člana 60. a u vezi člana 56. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj 35/05), u skladu sa Zakonom o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03 i 22/06), Uredbom o organizovanju službi zaštite i spašavanja u Federaciji Bosne i Hercegovine („Službene novine Federacije BiH“, broj 58/06) i Pravilnikom o organizovanju i funkcionisanju Službe za kontrolu zemljišta (Agropedologija) broj: 01-49-28/07 od 25.01.2007. godine, direktor Federalnog zavoda za agropedologiju, donosi:

PROGRAM MJERA HITNE SANITARNE SANACIJE poplavljenog poljoprivrednog zemljišta u Federaciji Bosne i Hercegovine

Ovim Programom, a u skladu sa Zaključkom Vlade Federacije Bosne i Hercegovine V. broj: 868/2014 od 15.05.2014. godine (u daljem tekstu: Zaključak), utvrđuju se hitne mjere sanitarne sanacije poplavljenog poljoprivrednog zemljišta na području Federacije Bosne i Hercegovine (u daljem tekstu: Federacija), a koje obuhvataju slijedeće aktivnosti:

1. Evakuacija suvišne vode sa svih poplavljenih parcela;

U cilju što bržeg isušivanja poljoprivrednog zemljišta, a gdje je to moguće provesti, odmah izvršiti evakuaciju površinskih voda iz depresija na način da se plugovima ili drugim oruđima izvrši kopanje jaraka ili kanala prema recepijentima (kanali za odvodnju ili vodotocima), kako bi se zemljište osposobilo za obradu

2. Čišćenje terena

Uklanjanje svih nanesenih predmeta sa poljoprivrednog zemljišta, gdje je to potrebno i moguće izvesti, uz prethodno provedenu provjeru NUS-a i minsko-eksplozivnih sredstava i to pogotovo u blizini minskih polja. Ukoliko se radi o nanesenom materijalu koji se može spaliti ili drvenoj građi i panjevima to obaviti na licu mjesta. Sve ostale materijale odvući na deponije u skladu sa Zakonom o upravljanju otpadom i odgovarajućim provedbenim propisima, kao i instrukcijom o sanaciji i zbrinjavanju otpada životinjskog porijekla.



3. Dezinfekcija zemljišta

U cilju prevencije i zaštite zemljišta od infekcije parazitima, virusima i bakterijama, a koji se iz zemljišta mogu putem biljaka prenjeti na životinje i zaraziti ljude, odmah nakon prosušivanja zemljišta koristeći sve raspoložive prskalice za tretiranje u poljoprivredi obaviti dezinfekciju sa nekim od preparata na bazi hlora, kao što je "Dioxy Activ Supra" ili slično.

4. Sanitarna obrada

Zbog poboljšanja aeracije i rastresanja obradivog sloja tla, razbijanja pokorice, zatrpavanja uginulih biljaka, nivelisanja tla izbrazdanog površinskom erozijom I sl., odmah nakon prosušivanja, obaviti pliče oranje (strnjiganje) na dubinu od oko 15-20 cm.

Napomena:

Program hitno dostaviti Federalnom štabu civilne zaštite kako bi isti poslužio za donošenje odgovarajućeg akta, u cilju dostavljanja svim kantonalnim i općinskim štabovima CZ u Federaciji BiH.

Ovaj Program stupa na snagu danom donošenja, a za njegovu realizaciju zaduženi su Služba za kontrolu zemljišta i Sektor za pravne, finansijsko-računovodstvene i opšte poslove.

D r e k t o r

mr. sc. Esad Bukalo

Dostaviti:

- Federalni štab civilne zaštite
- Služba za kontrolu zemljišta
- Sektor za prav. fin. rač. i opšte posl.
- a/a